

ՄՍԵՐՅԱՆՆԵՐԻ ՀԱՅԵՐԵՆ ՁԵՌԱԳՐԵՐԻ ՀԱՎԱՔԱՄՈՒՆ

Մաշտոցի անվան Մատենադարանի ձեռագրական հավաքածուի բաղկացուցիչ մասերից մեկն է նաև Մսեր (1808—1873), Զարմայր (1836—1899) և Լևոն (1867—1933) Մսերյանների անձնական հավաքածուն, որը, ներկա դրությամբ, ամփոփում է XIV—XIX դդ. ընդօրինակված բազմազան բովանդակությամբ 65 մատյան (պայմանականորեն №№ 1—65), շխտսելով արդեն նրանց հարուստ արխիվի մասին, որը ամփոփում է տարբեր բնույթի 2466 վավերագիր¹:

Նշված 65 մատյանները բաժանվում են երկու որոշակի խմբերի՝ ինքնաձեռագրեր և ձեռքբերումներ:

Ա. Ինֆնաձեռագրեր—Այս խմբի մեջ մտնում են 31 մատյան (№№ 4, 20, 23, 25—26, 28, 32—46, 48, 51—52, 56, 58—59, 62—65). դրանք բոլորն էլ, առանց բացառության, կամ Մսեր Մսերյանցի ինքնագիր աշխատություններն են, կամ այլ ձեռագրերից իր իսկ ձեռքով 1829—1866 թվականների ընթացքում կատարված ընդօրինակություններ:

Բ. Ձեռքբերումներ—Այս խմբի մեջ մտնում են 34 մատյան (№№ 1—2, 6—19, 21—22, 24, 27, 29—31, 47, 49—50, 53—55, 57, 60—61). դրանք բոլորն էլ, սակավ բացառությամբ, հին ձեռագրեր են և ձեռք են բերել տարբեր ժամանակներում հայր, որդի և թոռ Մսերյանների:

ա. Մսեր Մսերյանցի ձեռքբերումներ—13 (№№ 1—2, 6, 9, 17, 19, 21, 24, 27, 29, 31, 47, 53): Այս 13 ձեռագրերից 9-ի վրա (№№ 1—2, 6, 9, 17, 19, 24, 27, 31) Մսեր Մսերյանցը թողել է իր ստորագրությունը՝ «Մ. Մսերեանց», «Մսեր Մսերեանց» կամ «Մսուր Մսերեանց». դրանցից երեքն ունեն նույնիսկ հիշատակագրություն. № 1. «Ե 1834 ամի. ի մարտ ամսոյ է (7), ի Զմիռնայոյ ի Մսուրայ Գրիգորեանէ գնեալ», № 2. «Մսուր դպիրն էառ զիս ի տեղի արծաթոյ, ի 20 մարտի, 1829 ամի ի սուրբ զահա էջմիածին», № 3. «Մսուրայ դպիրն էմ Գրիգորեան Զմիռնացոյ. այլ որ իւրացուցանել մի իշխեսցի. ի 1829 ամի տեառն, ի մարտ 20»: Մյուս շորս ձեռագրերը (№№ 21, 29, 47, 53) թեև ստորագրված չեն, սակայն դրանց լուսանցքներում և այլուր Մսերյանցի ձեռքով կատարված են նշումներ. այսպես, օրինակ, № 21 ձեռագրում ներսես Շնորհալու հանելուկների մոտ գրված են դրանց լուծումները և այլն:

բ. Զարմայր Մսերյանցի ձեռքբերումներ—1

(№ 13): Ձեռագիրը, ըստ Զարմայր Մսերյանցի թողած ուսերեն մակագրության, ձեռք է բերված 9. VI. 1858-ին: Այն Զ. Մսերյանցի «№ 1» ձեռագիրն է, որի թվահամարը դիտավորյալ քերված է: Ասենք, որ սա միակ ձեռագիրն է, եթե հաշվելու չլինենք որից ժառանգած № 25 ձեռագիրը, որի վրա կարելի է տեսնել Զ. Մսերյանցի ստորագրությունը:

գ. Լևոն Մսերյանցի ձեռքբերումներ—5 (№№ 8, 10, 15, 18, 54): Այս ձեռագրերը ստորագրված են Լ. Մսերյանցի կողմից և որևէ հետք չունեն նախորդներին պատկանելու վերաբերյալ: Տարակույս չի կարող լինել, որ սրանք ոչ թե ժառանգված են, այլ ձեռք են բերված ինքնուրույնաբար:

դ. Անուռչ—15 (№№ 3, 5, 7, 11—12, 14, 16, 22, 30, 49—50, 55, 57, 60—61): Այս 15 ձեռագրերի վրա երեք սերունդներից ոչ մեկի ստորագրությունը չկա և դժվար է ասել, թե դրանցից որը ով է ձեռք բերել: Կրկնենք, որ խոսքը ոչ թե պատկանելության մասին է, այլ ձեռքբերման:

Ինչպես պապի՝ Մ. Մսերյանցի, այնպես և հոր՝ Զ. Մսերյանցի արխիվները, նրանց մահից հետո, ժառանգել է Լ. Մսերյանցը, իսկ վերջինիս մահից հետո ժառանգորդները, ինչպես նախորդների, այնպես և Լ. Մսերյանցի արխիվը ամբողջությամբ նվիրաբերել են Մատենադարանին: Հիշատակված 65 ձեռագրերից 58-ը (№№ 3—58, 60—61) մաս են կազմել այդ արխիվի, որտեղից և դրանք տարբեր նվազներով փոխադրվել են Մատենադարանի ձեռագրատուն:

ա. 1935-ին փոխադրված է 14 մատյան (№№ 6—19): Դրանք բոլորն էլ կնքված են «էջմիածնի» ՊԵՏ[ԱԿԱՆ] ՄԱՏԵՆԱԴԱՐԱՆ ԱՐԽԻՎ ՊՐՈՅ. Լ. ՄՍԵՐԵԱՆՑ ՆՈՒՆԻՐԵԱԼ Ի ԺԱՆԿԱՅԻՆՈՐԴԱՅ ԻԻՐՈՅ» բովանդակությամբ կնքագրոշմով:

բ. 1939-ին փոխադրված է 40 մատյան (№№ 20—57, 60—61): Այս ձեռագրերը 1939 թ. Մատենադարան մուտք գործած ձեռագրերի գույքամատյանում² արձանագրված են համապատասխանորեն 68—31 թվահամարների ներքո:

գ. 1940-ին փոխադրված է 1 մատյան (№ 58):

դ. 1950-ին փոխադրված է 3 մատյան (№№ 3—5): Այս ժամանակ Մսերյանների արխիվն արդեն մշակված էր և սույն մատյան-

¹ Մաշտոցի անվ. Մատենադարանի արխիվ, Անհատական արխիվների ֆոնդ, թղթ. 188—209, վավ. 1—2466:

² Մաշտոցի անվ. Մատենադարան, Անտիպ ձեռագրացուցակների ֆոնդ. № 13:

ները ունեին համապատասխան թվահամարներ՝ 197/363, 198/365, 198/368:

Ինչ վերաբերում է մնացյալ 7 ձեռագրերին (№№ 1—2, 59, 62—65), ապա դրանցից առաջին 2-ը (№№ 1—2) Մատենադարան են մուտք գործել անցյալ դարի վերջերին և մտել «Գեղորգյան» կոչվող հավաքածուի մեջ (№№ 157, 1232), երրորդ ձեռագիրը (№ 59) Մատենա-

(№ 38/8846):

Գեղամյան Սահակ սրկ., էջմիածին, 1822 թ.—1 (№ 5/4197):

Էմին Մկրտիչ, Մոսկվա, 1853 թ.—1 (№ 9/6537):

Էնֆիանյան Ավետիֆ և Համբարձում գրավանա եղբայրներ, Թիֆլիս, 1848 թ.—1 (№ 7/6502):

Համեմատական տախտակ Մսերյանների ձեռագրերի հին և նոր թվահամարների

№№ ը/կ	Մտնդրն	№№ ը/կ	Մտնդրն	№№ ը/կ	Մտնդրն	№№ ը/կ	Մտնդրն	№№ ը/կ	Մտնդրն
1	2976	14	6812	27	8805	40	8849	53	8891
2	3057	15	6871	28	8806	41	8850	54	8892
3	3755	16	6937	29	8807	42	8851	55	8893
4	3834	17	6938	30	8808	43	8852	56	8894
5	4197	18	7041	31	8809	44	8853	57	8895
6	6493	19	7045	32	8840	45	8854	58	9012
7	6502	20	9651	33	8841	46	8855	59	9261
8	6532	21	8652	34	8842	47	8856	60	9984
9	6537	22	8682	35	8843	48	8857	61	9985
10	6675	23	8683	36	8844	49	8858	62	10002
11	6691	24	8746	37	8845	50	8859	63	10005
12	6730	25	8803	38	8846	51	8860	64	10006
13	6737	26	8804	39	8848	52	8890	65	10007

դարանին է հանձնել Փառանձեմ Տեր-Մկրտչյանը 1946-ին Մոսկվայից, իսկ հաջորդ 4-ը (№№ 62—65) նվիրաբերել է ակադեմիկոս Աշոտ Հովհաննիսյանը 1960-ին՝ մի շարք այլ ձեռագրերի հետ:

Հին և նոր թվահամարների բերված համեմատական տախտակի օժանդակությամբ կարելի է այդ ձեռագրերի նկարագրությունները գտնել Մատենադարանի երկհատորանոց ձեռագրացուցակում³:

Ստորև նշում ենք մեզ հայտնի բոլոր այն անձանց ու հաստատությունների անունները, որոնք տիրապետել են այդ ձեռագրերը նախքան Մսերյանների հավաքածուի մաս կազմելը և այն անձանց ու հաստատությունների անունները, որոնք ժառանգել են դրանք մինչև Մաշտոցի անվան Մատենադարանում հանգրվանելը:

[Ալրունյանց] Եփրեմ վրդ., էջմիածին—Արտազի Թաղեոս առաքյալի վանք—Պետերբուրգ, 1824—1853 թթ.—1 (№ 6/6493):

Ախվերդյանց Գեորգ. [Թիֆլիս], XIX դ.—1

Թումա վրդ. Գողթնեցի, էջմիածին, 1738 թ.—1 (№ 47/8856):

Խառակ արեղա [Մաղկարա, էջմիածին], 1811 թ.—1 (№ 9/6537):

Խուրով Գեորգ Մելիքսեղեկյան, Աստախան, 1829 թ.—1 (№ 3/3755):

Կամսարական Եղեղա Միրզա Թաղեոսյան [Աշտարակեցի, էջմիածին], 1821 թ.—1 (№ 19/7045):

Հովհաննես Միրզայան Վանանդեցի, Զմյուռնիա, 1807 թ.—1 (№ 31/8809):

Հովհաննես վրդ., Գորի, XIX դ.—1 (№ 54/8892):

Հովհաննիսյան Աշոտ, Երևան, 1960 թ.—1 (№№ 62/10002, 63/10005, 64/10006, 65/10007):

Մեսրոպ ֆե., Տաթև, 1741 թ.—1 (№ 1/2976):

Մինաս, որդի տեր Առաֆելի, XIX դ.—1 (№ 22/8682):

Մոսկվա, Լազարյան ճեմարան—1 (№ 7/6502): Ճեմարանի 1861 թ. տպագիր ցուցակ⁴ № 8 ձեռագիրն է:

³ Ձեռագրակ ձեռագրացուցակ, հատ. Ա, Երևան, 1965, հատ. Բ, Երևան, 1970:

⁴ Catalogue des livres de la Bibliothèque fondamentale de l'institut Lazareff des langues, Orientales, Moscou, 1861.

Մուխե, տեր (ստորագրություն և վարդապետական կնիքներով), XIX դ.—1 (№ 24/8746):

Շահխաբունյանց Հովհաննես վրդ., Մոսկվա, 1844 թ.—2 (№№ 50/8859, 51/8860):

Պողոս, 1730 թ.—1 (№ 7/6502):

Ռոտինյանց Մ. Գ., [Թիֆլիս], XIX դ.—1 (№ 38/8846):

Ստեփաննոս Կյումյուշխանեցի, Կ. Պոլիս,

1973 թ.—1 (№ 11/6691):

[Վարդագայանց] Գրիգոր վրդ. Աշտարակեցի, Էջմիածին, 1821 թ.—1 (№ 19/7045):

Տեր-Մկրտչյան Փառանձեմ, Մոսկվա, 1946 թ.—1 (№ 59/9261):

Փանյանց Մելիքն Գասպարի, XIX դ.—1 (№ 55/8893):


Օ. Ս. ԵԳԱՆՅԱՆ

ՀԱՅԵՐԵՆ ԱՐԶԱՆԱԳՐՈՒԹՅԱՄԲ ԿՆԻՔ-ՄԱՏԱՆԻ ՂՐԻՄԻՑ

1978 թ., գյուղատնտեսական հողային աշխատանքներ կատարելիս, Բախչիսարայի շրջանի Բոգատիր գյուղի մոտ քանդվել էր ուշ միջնադարյան սալաքարային մի դամբարան: Բուլղոզերավար Ա. Պ. Լիպատկինը Բախչիսարայի պատմաճարտարապետական թանգարան հանձնեց այդ աշխատանքների ժամանակ հայտնաբերած արծաթե մատանի-կնիք՝ հայերեն արձանագրությամբ, փորագրված սերդուլիկն ներ-

դրանցից մեկն ունեւ հունարեն¹, իսկ հինգը՝ հայերեն արձանագրություններ: Վերջիններս թվագրված են եղել 1731, 1737 և 1771 թթ.²: Ներկայումս բոլոր տապանաքարերը, ինչպես և մատուղը, գոյություն չունեն:

1978 թ. աշխատանքների ժամանակ մաքրվել են տեղական կրաքարի սալերով երեսապատված մի քանի դամբարաններ: Թաղումնային փոքրաթիվ իրերից (ալծաթե մանր զարդեր,



Նկ. 1. Հայերեն արձանագրությամբ կնիք-մատանի Ղրիմի Բոգատիր գյուղից, XVII դ. դամբարանից:

դիրքի վրա: Թանգարանին նա հանձնեց նաև ավերված դամբարաններից դուրս եկած արծաթե կոճակներ և Ղրիմի խաներ Սելիմ Գիբեյ II-ի (1743—1748) և Ղրիմ Գիբեյի (1758—1764, 1768—1769) արծաթե երկու դրամ:

Դամբարանադաշտի պահպանման համար Բախչիսարայի թանգարանի կողմից անցկացվեցին մասնակի պեղումներ: Դամբարանները գտնվում են Բոգատիր գյուղից մոտ 300—350 մետր դեպի հյուսիս, Բելբեկ գետի ձախակողմյան լճակի աջ ափին, հյուսիսային և հարավարևմտյան կողմերից մանր բլուրներով շրջափակված փոքր հովտում: Դամբարանադաշտը քրիստոնեական ընդարձակ գերեզմանոց է, որտեղ 1914 թ. սիրող-հնագետ Մ. Ի. Սկուբետովը գրանցել էր միախորան մի մատուռ՝ շրջապատված 165 կրաքարե տապանասալերով:

19 Հանդես, № 1

ապակե մանյակ, դրամներ), ինչպես և տապանաքարերից դատելով դամբարանադաշտը կարելի է թվագրել XVIII դարով, թեև բացառված չէ, որ այն առաջացած լինի ավելի վաղ: Ամենայն հավանականությամբ գերեզմանոցը գործել է մինչև 1778 թ. և լքվել քրիստոնեական բնակչության հիմնական զանգվածի, ինչպես նաև Բոգատիր գյուղի հույն բնակչության Ա. Վ. Սուվորովի կողմից Ռուսաստան տեղա-

¹ В. В. Латышев, Новые христианские греческие надписи Крыма, ИТУАК, № 54, Симферополь, 1918, էջ 44:

² Х. И. Кучук-Иоаннесов, Армянские надписи из Крыма, ИТУАК, № 52, Симферополь, 1918, էջ 44: